

Antropologo Wayuu dr. Weildler Guerra diadomingo awo den Museo Arqueologico Arubano



Premier cu representantenan Wayuu cu e rema di e canoa.

ORANJESTAD – Diadomingo awo, durante e paseo historico organisa pa Museo Arqueologico Arubano, hunto cu partnernan artistico, lo bay tin presentacion di dr. Weildler Guerra, kende ta antropologo Wayuu.

BISHITA NA RIOHACHA

Na November 2011, Prome Minister Mike Eman a biaha cu un delegacion di Museo Arqueologico Aruba pa Riohacha, Colombia den cuadro di 25 aña Status Aparte cu e meta pa subraya e origen y historia comparti pa e pueblonan di Aruba, Colombia y Venezuela.



UN PROGRAMA BON PREPARA

E Gerente di Banco de la Re-

Canoa a yega na MANA.



Simbolo riba canoa.

publica na Riohacha Dr. Weildler Guerra, a fungi como un di e anfitriónnan di e delegacion. El' a prepara un programa caminda e delegacion di Aruba por a profundisa den historia y tradicion di e comunidad Wayuu y intercambia tocante e similaridad y diferencia cu nos cultura y historia. E programa na Riohacha a inclui un bishita na e santuario di flora y fauna Los Camarones caminda a mira varios canoa riba beach. E canoanan aki ta ser uza diariamente pa piscadonan Wayuu y e conocimiento di e tecnicanan di construccion, - di pesca y di rutanen maritimo ta sumamente importante pa comprende mas di e forma con e habitantenan di tera firme a pobla e asina yama 'islas adyacentes' den Prehistoria. Prome Minister a muestra su interes

pa adkiri un canoa pa mostr'e na publico na Museo Arqueologico.

E CANOA

E canoa cu Museo lo presenta na publico diadomingo awor ta uno cu a ser decora cu simbolonan caracteristico y ta procedente di e vecindario wasitpana conoci tambe como La Cachaca, cu ta keda cerca di Riohacha.

INVITACION

Diadomingo awor pa 11'or, Dr. Weildler Guerra lo conta mas di e canoa cu Aruba a haya regalo di e comunidad Wayuu di Riohacha y tambe lo papia tocante su experticio cual ta nabegacion di e Wayuu y otro gruponan den region. Un y tur ta cordialmente invita pa e desvelo di e canoa cual lo ta pa 10'or di mainta sigui pa e charla di Dr. Guerra. □